



Tladmarus optimæ spei adolescens in Bremen
 si urbe S. Vicelinum præceptorem habuit, at-
 que sub eo plurimum profecit. Postea eundem in
 Franciam & tandem in Vandaliam secutus, labo-
 rum & officiorū socius fuit. In eo uitæ genere adeo
 inclaruit, ut Bremensis ecclesia eum sibi Decanum
 eligeret. Verùm aliquandiu ibi honestè commora-
 tus in Vandaliam reuocatus est, ut labentem Chri-
 stianorum religionem sua prædicatione restaura-
 ret. Post aliquot etiã annos Cusalinum missus, quæ
 & Hagerstorp dicitur, Euangelium annunciauit,
 & falsos Vandalorum antistites confutauit. In pri-
 mis autem peregrinos & pauperes fouebat, atque

in suam domum recipiebat, anno 1140. Cum hoc modo dextre pergeret, atque
 Adolpho eius regionis comiti gratissimus esset, tandem Vandalorum ille a-
 postolus obiit, atque apud Martipolim sepultus fuit. Crantz. lib. 4. cap. 16.